

文獻叢編

第十三輯

文獻叢編第十三輯目錄

明成祖勅諭刺麻失家攝聶文

清順治朝揭帖

巡撫河南等處地方羅繡錦揭帖

巡撫河南等處地方提督軍務羅繡錦揭帖

提督軍務巡撫天津等處地方雷興揭帖

兵部揭帖

湖廣荊州等處地方總兵官鄭四維揭帖

巡撫宣府等處地方馮聖兆揭帖

提督鴈門關巡撫山西太原等處地方陳應泰揭帖

巡撫山東等處地方提督軍務耿焯揭帖

總督江南江西等處地方軍務馬國柱揭帖一

總督江南江西等處地方軍務馬國柱揭帖二

總督江南江西等處地方軍務馬國柱揭帖三

經略湖廣江西雲南貴州等處地方總督軍務兵部尙書洪承疇揭帖

安南檔續

朝鮮迎接都監都廳儀軌續

違礙書籍單續 清乾隆四十三年六月十六日江蘇巡撫楊魁查繳

文 張 攝 家 失 廟 刺 論 劫 祖 成 明



九月十六日

大明皇帝勅諭刺麻失家攝壽

朕惟佛氏之興其來已遠西土之人久事崇
信其教以空寂為宗以普度為心化導善類
覺悟羣迷功德之著無間幽顯有能尊崇其
教以導引夫一方之人去其昏迷嚮慕善道
強不至凌弱夫不至虐小息爭鬪之風無侵
奪之患上下各安其分長幼各遂其生同歸
於仁壽之中同安於泰和之世上是以陰翊
皇度下是以勸善化俗其功德而及豈不遠
哉今刺麻失家攝壽演如來之教法悟大乘
之真詮以慈悲導一方以善行化眾類所在
土官軍民人等聽從本僧從便脩行蓋弘願
力丕闡宗風為一方之人祈福並不許侮慢
欺凌生事沮壞敢有不遵朕命者必罰無赦

故諭

大庫為明代遺物
原件係當地金龍塔前書藏文縱9cm 橫9cm 藏清寶印

אשר

אשר

אשר

אשר

אשר

אשר

אשר

אשר

אשר

清順治朝揭帖 清內閣大庫存檔

巡撫河南等處地方羅繡錦揭帖 清順治二年四月



欽差巡撫河南等處地方提督軍務兼理河道都察院右副都御史羅繡錦爲
遵旨查明死事官兵事順治貳年貳月初伍日准兵部咨懷衛兩鎮官兵守援
府城濟孟等處頗多効死合行確查等因准此案照先准本部咨爲塘報危城
稍解事該職題兵部覆奉聖旨二鎮死亡官兵對敵與敗傷不同務將當陣力
戰死事者查明爲某人某人明列等第守城死傷者某人某人其敗回而死者
官某人兵某人備開數目但不許冒開格戰之內如查情不實罪坐查勘之人
卽史燦麟王曰俞遭戮抗節有何的據一併覈明速報以憑議恤欽此欽遵職
隨卽移會懷衛兩鎮併行分守河北道確查屢去後今據道臣申朝紀呈據府
縣查報同知史燦麟係祥符縣舉人委署清化甫及兩月執法甚嚴寔薄清化
而清民郭文通等因朴責懷恨擗引賊尋促本官不肯從賊碎屍無跡並辱
其妻高氏不容汚玷身首異處全家僕婢俱無遺類此清化鎮守備程思仁並

衙役陳于善等所共供者也又查署孟縣知縣王曰兪係陽城縣進士同難民楊天福俱被賊縛曰兪抗節不屈罵不絕口被賊殺戮彼時寇殺人多屍骸埋壓溝井以致難認此難民楊天福所親供者也並據懷衛兩鎮查過援守懷城濟孟死事官兵緣由各報到職該職看得從來爲國捐軀乃人臣之大義而忠貞不屈無如武官之慷慨就義耳既經鎮道開報已悉無容多贅惟是郭文通等引賊搜官屠戮史燦麟全家而死並辱其妻本婦不容玷污甘蹈白刃凜凜節烈似不可泯除叛民郭文通等職已另案審明依律正法外所有查過死事官兵文冊經送兵部查核外伏乞勅下該部議恤施行爲此除具題外理合具揭須至揭者右具揭帖順治二年肆月二拾二日巡撫河南都察院右副都御

史羅繡錦

巡撫河南等處地方提督軍務羅繡錦揭帖

清順治二年四月二十六日到

欽差巡撫河南等處地方提督軍務兼理河道都察院右副都御史羅繡錦爲傳奉令旨事案照投順各官李際遇等家眷遵豫王令旨安置懷衛兩府其家

眷每名口日支錢糧著本院啟奏定奪業於本年肆月初六日具揭貴院明示去後今照李際遇劉芳聲劉芳厚魯好學譚一盛王時雍等家眷併各官丁家眷共一千餘名口俱於月日不等過河安置懷慶衛輝府城內居住訖前請各官丁家眷日用錢糧尙未見示動支何項擬合再爲揭請爲此具揭貴院希煩查照原係奉王諭令事理速賜明示以便遵行爲此除移咨戶兵二部外理合具揭須至揭者右具揭帖順治二年四月二十二日巡撫河南都察院右副都御史羅繡錦

提督軍務巡撫天津等處地方雷興揭帖 清順治二年四月二十八日到

欽差提督軍務兼理糧餉巡撫天津等處地方都察院右副都御史雷興爲土寇剿潰已清夥賊搜獲殆盡謹將確審實情分別究釋以申國法以廣皇仁事行據署天津兵備道事監督糧儲戶部主事劉餘璫呈詳審問過土寇李聯芳之賊黨徐少吾等罪名招由前來據此該職案查本年二月二十四日據南皮縣知縣姚允升申報有外來賊首張承軒混名張三梨瓜嘯踞潘家莊拒殺官

兵已經塘報一面發兵剿除去訖後因原經前督招撫李聯芳素藏禍心乘機叛亂擅殺我調取紅旗妄屠我經過沂兵津南鼎沸幾至燎原職分遣將佐四出仍躬同鎮臣婁光先并標下中軍副將海時行等各擐甲星馳於滄靜南鹽一帶海濱分捉撲捉當於三月初八日具有土寇猖獗恭報督剿日期一疏題知睿覽并飛咨保定撫臣會兵截殺去後嗣於三月初九等日隨據諸將胡來觀魯澄王三錫于文科李三略韓啟元趙國祥彭世德吳康泰劉可章姜應魁張爾鏞王宏基邢有道董天長董應元張京兆等贊畫崔之全胡太寧等擒獲賊犯并妻妾馬騾牛驢銀衣等贓物前來卽發道廳審究仍具爲塘報剿潰賊情事又具爲塘報再獲賊情事二疏奏聞外該職看得張承軒以頑冥發難嘯踞拒敵遂煩師旅而李聯芳原受招撫孰知狼子野心乘機復叛擅殺奉差紅旗并圍戮經過沂兵於是乎瀾天之罪不可赦矣及聞職統兵親征卽泣散黨羽割棄妻妾狼狽宵遁窮猿失穴逃將安之果經保定撫臣密飭易州兵備道布伏截擒應聽該撫臣訊明具奏今夥黨賊孽相繼捕緝俘因屢屢職念仰仗

朝廷不殺之神武廓清巢窟又仰體皇上愛民之仁恩寬恤協從行令道廳虛公鞠訊得嘯聚負隅橫戈逆戰并肆行劫財如徐少吾張三綱等五十人或梟或斬各服上刑又訊得威驅勢逼情有可原或無知誤犯如張三落劉二等四十人或配或杖咸當厥辜至于諸賊家屬十四口仍待以不死以廣好生而株連男婦三十八名口即釋發寧家以恤無辜其逃賊家屬二十三人尙在候結庶大法申大恩沛而聲教所被莫不畏威懷德天下不足平矣惟是職以迂劣庸才不能宣布德化消弭頑梗使郊圻童叟共樂舍鼓之休乃致小醜跳梁弄兵潢池職溺職何辭且首難之張賊漏網職猶兢兢自訟不已也仰荷睿鑒不加督責反移任重鎮以寵榮之此職之幸實職之懼不知何以捐報聖恩于萬一也招由繁冗不敢妄塵御覽除備咨刑部覆擬外謹會同保定撫臣王文奎順天按臣傅景星合詞具題爲此除具題外理合具揭須至揭帖者順治二年四月日

兵部揭帖 清順治六年四月二十日到

兵部題爲懇辭營務伏乞代題以安愚分事湖廣總督羅繡錦題前事奉皇父攝政王旨兵部知道欽此欽遵鈔部送司案呈到部看得李春芳旣云能調兵輯伍與民相和又何云不能武事相應照舊供職不准其自辭營務者也除具題外理合具揭須至揭帖者順治六年四月日兵部尙書劉餘祐固山額真左侍郎明阿達理左侍郎李化熙右侍郎孫承澤啟心郎祝萬年高登第職方清吏司郎中圖賴范達禮主事張逸

湖廣荊州等處地方總兵官鄭四維揭帖 清順治五年十月

鎮守湖廣荊州等處地方總兵官都督同知鄭四維謹揭爲恭報死賊南遁彘陵已復事竊照隻虎各賊聯絡并逞環逼三面職以荆兵孤單屢次具題塘報蒙欽命定南將軍固山額真佟統領大兵於九月初九日抵荆救援隨即發兵前去彘陵兩路堵探職等一同商酌整備舟楫將次水陸并舉以圖撲勦不意死賊聞風於十月初五日撤營南遁職即於初七日發彘陵營遊擊張文體領兵防彘去後先據耶襄撫標中軍程尙俊下守備袁思成自賊營逃回口稱先

於七月二十六日自河溶失利被賊擄入營內聞說馬進忠等請虎賊往常澧仍將譚賊船隻發上新灘留王二王三與姚黃朱經略王防生接住施歸建始一帶今初五日各賊起營前往常澧成乘夜逃回等情據此該職看得死賊肆逞不軌之謀窺荆已久今日撤營宵遁皆賴我皇上皇叔父攝政王洪福得仗定南將軍固山額真修之聲靈故兵不血刃而死賊南走也但賊情最狡向往叵測况王二王三姚黃譚王與僞朱經略俱往施歸建始一帶更有余大海李鶴子暨僞督師呂大器上割夔關凡此衆賊皆據荆之上游雖已熾之賊氣稍緩而未靖之鯨鯢終可慮也職一面殫力堵防外事關地方軍務除具題外理合具揭須至揭帖者右具揭帖順治五年十月二十一日鎮守湖廣荊州等處地方總兵官都督同知鄭四維

巡撫宣府等處地方馮聖兆揭帖 清順治五年十一月初七日

欽差巡撫宣府等處地方贊理軍務都察院右僉都御史馮聖兆爲叛丁倡亂旋就削平微臣統兵回鎮恭慰聖懷事竊照赤城之變除調度分剿事宜節次

塘報外職於十月二十一日統兵親馳剿賊二十二日會滿洲大兵於龍門城
賊皆奔遁竄伏各官陸續搜獲俱解領兵兎章京軍前審明正法二十六日抵
赤城職先經傳諭各城堡村屯凡有叛兵潛匿許從實首報原屬善良招撫回
家時入城男婦已二千餘人而叛兵混跡其間者頗多職同兎章京設法擒拏
梟示連前龍門擒斬計已過半然後安戢居民各歸本業而大兵於十一月初
三日啟行職亦於是日還鎮即擬奏聞并參疎縱各官正繕疏聞本月初五日
適接兵部一咨內稱喂馬之處先奉明旨草料官買夫役僱募今赤城激變或
未與工銀強行派役抑或以銀僱募令之供役也其叛逆之人或全被打罵抑
祇及一二人或叛兵借口過言或道備見營兵譟叛駕言以卸責滿人乎如果
未與工銀強押人役滿洲亦難逃罪若已給工銀不係強派祇據叛兵口說遂
爲傳言則言者之罪亦安能辭應行該撫鎮確察詳明具報議奪面奉聖旨如
議行欽此備咨到職該職看得赤城兵譟倉卒變生仰慮宸衷暨皇叔父攝政
王淵慮微臣親即行問共大兵削平禍亂不致蔓延滋毒及振旅旋鎮自當先

行入告亟慰焦勞至於起事之由據該道備塘報所開載合之徵臣之查訪其
根因同異大概已得八九今准部咨敢不再一確察并擒殺賊數緝逃善後與
夫應參各官統照咨內情節查明另疏彙奏若職濫膺節鉞撫馭無能赤城僅
距二百里之遙卒有營丁之意外職不勝跼蹐亦惟有束身席藁恭聽皇上皇
叔父攝政王之處分而已緣續入部文字稍逾格仰祈鑒宥爲此除具題外理
合具揭須至揭帖者順治五年十一月初七日右僉都御史馮聖兆

提督鴈門關巡撫山西太原等處地方陳應泰揭貼

清順治十一年三月廿八日

欽差提督鴈門等關兼巡撫山西太原等處地方都察院右副都御史陳應泰
爲續報勤撫賊情事案照平陽地方渠魁張五等賊前發滿漢官兵入山搜勦
獲捷情形職已具疏題報外職慮尙有未靖餘孽終屬地方隱憂仍須勦盡根
株方保永永無患遂嚴飭平陽道將不時入山搜勦仍於所屬州縣各鄉村嚴
查賊窩盤詰奸宄去後於順治十二年二月二十三日據守巡河東兩道左參
議班璉副使蕭應聘塘報據安邑縣申稱卑職仰遵憲令親詣各村清查至小

店村查有景其植者曾投張五做賊今搜勦事敗歸藏於家即差總領劉太代捕大使陳桂帶領快手人等於本月十七日圍村搜拏景其植持鎗拒敵被太等齊擁捉住並其植弟景其祥子景任子仍搜獲張五所給參將偽劄一張上寫永歷六年號帶二個上寫忠義營二字弓一張箭三枝到縣審得景其等景其祥賊招稱通賊年久其植原領張五劄付改名光先常常做賊又招張五原在猗氏縣王廷若家窩藏今王廷若不知去向隨將景其植等解赴兩道會同城守章京趙和諾將景其植等三名審明正法訖又准平陽營副將許占魁手本內稱本協差領兵長隨官邵應麟陳殿邦等於正月三十日前赴垣曲聞喜一帶深山搜勦今據陳殿邦等招來降丁一十三名又據邵應麟等招來降丁五名於二十二日出山等情據此本年二月二十七日又據兩道塘報准平陽營副將許占魁手本內稱遣發長隨官邵應麟徐文魁陳殿邦并巡寧道中軍張卿下百總惠尙文領兵進山搜勦於二月初三日至盧子溝遇賊李圈鬍子等一十三名官兵將賊盡行殺死得獲馬四匹長鎗十三杆又據徐文魁在花

花山招降賊張得奉等七名婦女二口等情據此本年三月初七日又據兩道塘報准署平垣營撫標左營遊擊苗成龍報稱二月二十五日蒙平陽營許副將發下署平垣營中軍事徐文魁解驗招安降丁二名薛化龍李虎隨青騾馬一匹癩病老瘦不堪又花驢馬一匹等因據此本年三月十二日又據兩道塘報准平陽營許副將手奉據長隨官張進才招來降丁一名白康供稱山賊被兵勦殺四散還有扒山虎一股八十餘人逃竄遠山荒林藏身本協遣發長隨王承祚等領兵一百名就令白康引路入山於三月初四日至平陸縣地方小龍潭果有賊八十餘名踞險我兵拚命奮勇殺死扒山虎等二十四名活拿賊二名李盛吾鄭貴餘賊扒山逃走奪獲鐵盔一頂長鎗十五杆錫鈹二把重傷官兵五名王承祚右手一錫張秀頭上二刀張鎮右手一錫郭俊左腳一箭白康右手一刀王承祚負傷仍督兵丁緊追賊尾務期剿盡回營等情據此本月十七日又據兩道塘報准平陽營許副將手本據長隨王承祚等報稱於三月初六日將兵分爲兩股一股追襲一股抄斜迎頭緊連賊踪趕至乾溝對敵殺

死賊二十名拿獲小子二名奪獲驢一頭綿甲二十副鎗十杆刀十二口鏢一
把賊見我兵奮勇扒山竄林逃生卑職督兵不分晝夜緊連四日於本月初十
日追至木掀溝賊料難逃請逃招安卑職等立誓今招降賊王廷秀等三十七
名等情塘報到職據此又據平陽營副將許占魁塘報相同據此該職看得平
陽賊寇倚恃山險嘯聚多年爲害地方實非淺鮮前發滿漢官兵已將渠魁張
五陣斬並剿殺多賊獲有大捷矣所有餘孽職嚴責平陽道將極力搜剿以淨
根株如有悔過投誠卽仰體皇仁准與招安宥死乃該道左參議班璉副使蕭
應聘副將許占魁俱能實心奉行拮據調度節據塘報安邑縣拿獲僞參將景
其楨等三名已解赴該道同城守章京趙和諾審明斬訖而餘賊李圈鬍子扒
山虎等逃竄入山復被平陽營副將許占魁遣發長隨王承祚邵應麟張進才
徐文魁陳殿邦百總惠尙文等督領兵丁入山追剿節次共殺死賊五十七名
活擒二名前後共招降丁六十五名除職票行守巡河東兩道分別安插外其
婦女二口小子二名如係被擄之人許查明親屬給領完聚奪獲馬四匹驢一

頭給賞被傷有功官兵鐵盔一頂綿甲二十副刀十二口長鎗三十八杆鐃鈹
三把弓箭等項留營充用至於長隨王承祚等涉險深入扶痛追賊功不可泯
仍乞紀錄以酬前勞以勵後効可也其張五窩主王廷若已行守巡河東兩道
嚴拿獲日審明另結除搜獲偽劄號帶咨送兵部查驗外既經該道塘報前來
職謹會同督臣馬之先合詞具題伏乞勅下該部覆議上請行職等遵奉施行
爲此除具題外理合具揭須至揭帖者順治拾二年三月右副都御史陳應泰
巡撫山東等處地方提督軍務耿焯揭帖

清順治十二年三月二十八日到

欽差巡撫山東等處地方督理營田提督軍務都察院右副都御史加一級耿
焯爲水賊流突異常戰守亟宜嚴飭謹陳六要以佐殲勦事順治十二年三月
十七日據布政司呈稱順治十一年六月初四日蒙耿撫院案驗順治十一年
五月二十一日准兵部咨職方清吏司案呈奉本部送兵科抄出該本部覆禮
科給事中季開生題爲水賊流突異常戰守亟宜嚴飭謹陳六要以佐殲勦事
等因順治十一年二月初八日題本月初十日奉旨這所奏防禦海賊事宜著

議奏該部知道欽此欽遵抄出到部送司案呈到部該臣等看得科臣季開生疏開防海事宜分爲六款題奏前來查疏內偵探賊情扼防險要預備器械自是防海要著應如所議至於沿海一帶奸商有無私販逆賊出入有無譏察兵丁虛伍兵甲朽鈍曾否稽核整頓應勅下各該督撫查明具奏者也恭候命下遵奉施行等因順治十一年三月初七日題本月初八日奉旨是依議行欽此欽遵抄部送司案呈到部移咨到院案行到司蒙此隨移防海鎮道確查去後續准沂鎮總兵官臧延齡回稱隨卽一面行駐防膠州標後營遊擊洪進偵探譏察去後續據遊擊洪進回稱卑職遵照隨卽嚴飭本營中千把總各官唐進金等于膠沿海一帶各派防守汛口嚴行偵探賊情扼防險要預備器械訖至于沿海一帶並無奸商私販亦無逆賊出入卑職稽核盤詰視昔更密兵丁皆不敢虛伍甲兵亦無有朽鈍等因准此又准分巡青州道牒稱隨行該府青標兩營並沿海安東衛樂安壽光諸城日照預備譏察去後今據青州府知府張肇昇准青州營署事守備孟騰蛟回稱隨行據防海把總劉勛王文耀呈稱查

據偵探撥兵稟稱並無海賊警息亦爲奸商私販逆賊出入至於扼防險要處所多派兵丁各備器械極其鋒利嚴加堵禦並無虛兵朽鈍等情到營據此擬合回覆准此又據標營把總鄭朝卿呈稱查得本營隸於本道標下應援之兵馬按期操演器械常川整頓逐名查驗並無虛伍朽鈍情由偵探賊情報有確實率領征勦至於扼防險要及沿海一帶本營原無防守汛地無憑稽察據此又據安東衛守備毛天麟牒稱查得本衛僻設海濱止有嵐頭山海口一處見有青州營防官王文耀率領營兵在口駐防本衛時常督率鄉勇赴口稽查責令巡捕員役日夜嚴防刻無疎懈並無奸商私販亦無逆賊出入擬合牒報據此又據樂安壽光諸城日照回稱查得縣內地方僻居海隅本縣差役常川偵探海口險要處所見有青營防汛官兵並本縣鄉勇互相防禦應用器械俱預整停妥其沿海一帶並無奸商私販亦無逆賊出入等情各回報到府據此擬合轉報等情到道據此該本道副使陳嘉善看得青屬險要海口已設兵戍防矣嚴禁私販盤詰船隻備守愆嚴撥兵偵探以杜叵測足保無虞至於各營官

兵時加訓練抹馬利器並無朽鈍虛伍堪備驅策者也等因准此又准分守萊州道行據萊州府知府萬代尙回稱查得府屬南北沿海一帶各有巡防官兵遵照撫院新行時常嚴飭晝夜匪懈足備緩急猶且整頓器械遠遠偵探料無意外之慮矣屢經嚴查並無逆賊警息亦無奸商興販等情及查各營兵丁委係足額兼以器械鮮利實無朽鈍之甲兵也等因到道該本道右參政周召南看得萊屬膠卽一帶東自登界西至青界如夏河所古鎮等三口靈山等三口大湖口女姑等六島口登窰等四口披子等四口金家等三口水路俱南通浙閩江淮與外國之日本琉球而廟灣乃總口也值探情形莫如此地今責令防將遊擊洪進差千總一員帶兵十名用唬船一隻駐劄該地萬一有警飛報耳目之寄備矣如膠卽一帶海口乃扼要也自夏河所至膠州共七處設把總一員兵一百八十名膠州至登窰共七處設把總一員兵一百四十名自登窰至金家口十一處設把總一員兵一百四十名不時訓練凡所以資戰守者悉與儲備且大海汪洋之中一日能遠視而時常防禦於其間即狡賊亦安能施其

計哉器械乃兵家之具也即前要口處砲火整齊弓箭鮮利亦該將之責也嚴飭不時修整海禁宜嚴也但有討票生意船隻似難一概禁止又有本地土民以此治生者當因民之利而利之從來魚鹽貨殖以之教民糊瞻豈可痛革俯仰何資嚴飭印防官時常查其奸宄毋使濫冒夾帶而已若本地海口原非大商往來亦無軍機運送並無乘勢與賊挽運以包禍心者勿俟杜截也一密譏察即防海通商專致之事者宜照前飭備而防官不時稽查以扼奸宄以上六款防海所不可少者惟寄將備印官實心力行自足消亂於未萌耳等因准此又准分巡登萊道牒稱行據登州營參將袁如桂回稱今據內屬呈稱各該管沿海一帶汛地俱已嚴加偵探防禦併無奸商私販亦無逆賊出入及兵丁虛伍器械銹鈍據此案照申嚴海防屢奉嚴飭業已遵行險要海口添設官兵偵探防禦已久豈敢踈懈所屬海口並無賊艇警息其各營兵丁器械按期操練悉皆整頓精銳亦無虛伍銹鈍等弊今准前因擬合移覆准此又據登州府知府張懋官回稱查得江南未靖沿海防禦久已申飭時不敢懈每逢月終取其

各州縣營衛所並無奸商私販逆賊出入甘結呈報在案今經覆查各屬回稱境內海口並無逆賊出入奸商私販至於各營兵丁俱皆充伍一應器械該管將領按期操練悉皆整頓亦無虛伍銹鈍之弊擬合申報等因到道據此該署道事知府張懋官看得登屬一帶海口派設兵丁防範宜嚴瞭望偵探刻不敢怠並無逆賊出入亦無奸商往來取有州縣營衛所甘結月報在卷再查各營器甲俱皆整頓鮮明兵丁充伍實無虛糧之卒等因到司該本司右布政使于之士看得防禦六要奉有查明具奏之旨本司隨行鎮道查議移催守催不啻穎禿今始續准沂鎮並青萊登三道移會前來相應呈祈裁酌咨題施行等因呈詳到職該職看得滄海一水挖江淮而連登津一帶島嶼海口誠爲極險極要之地職自抵任以來日惟斯籌雖有分防之士卒偵探之佈置嚴飭匪懈固爾無虞然值此江賊蠢動僥恃調撥沂兵千名如辰星落落日懷單弱之恐是以職有請復膠兵二千設局資餉之疏今科臣季開生所陳防海六要正與職所畫稍同但查海口頗多兵勢寡鮮必須加倍戒嚴毋令懈弛今據該司行據

近海鎮道查取防禦緣由呈詳前來職謹會同督臣李蔭祖合詞具題伏乞皇上勅下該部議覆施行爲此除具題外理合具揭須至揭帖者順治十二年三月三日

總督江南江西等處地方軍務馬國柱揭帖

清順治十二年三月二十八日到

欽命總督江南江西等處地方軍務兼理糧餉太子太保兵部尙書兼都察院右都御史今休致候代馬國柱爲沿海失事頻仍文武各有專責請勅嚴行察覈以重職守以固封疆事案准兵部咨前事內開該本部覆吏科外抄浙江道監察御史朱紱題前事等因順治十一年五月十三日題本月十五日奉聖旨著察議具奏該部知道欽此欽遵抄部送司案呈到部除文職量地揀才聽吏部議覆外該臣等看得臺臣朱紱疏稱蘇松疎防海寇入犯總兵王燦張天祿所司何事並請飭各督撫嚴加查覈具題前來張天祿王燦應勅該督撫確查明白具奏以憑臣部核議至限地以程功罪應通勅各督撫以後倘有疎防必嚴察寇賊入境出境處所該管將領指名參奏臣部酌量地方情形分別議處

可也恭候命下遵奉施行等因順治十一年七月初五日題本月初六日奉聖旨依議行欽此欽遵備咨到職隨經咨會前任江寧撫臣並行蘇松兵備道卽將上年海寇入犯提督張天祿總兵王燦疎防緣由查明據實回報又移行各該撫提鎮道通飭營汛將領以後限地以程功罪倘有疎防必嚴察寇之入境出境處所該管將領定行指參去後續准兵部咨爲封疆關係甚重請飭撫臣小心綢繆以收桑榆事該本部覆掌江南道事山西道監察御史陳棐題前事等因順治十一年六月二十七日題初二日奉聖旨該部議奏欽此欽遵抄出到部送司案呈到部除文職聽吏部議覆外該臣等看得海逆張名振雖經敗遁沿海要地尤宜戒嚴臺臣陳棐疏請加意綢繆應請勅該督撫詳察衝要海口作何選練兵丁聯絡策應多方籌畫仍將以前寇犯何無堵禦該管將領職名確察一併具奏以便臣部議覆可也恭候命下遵奉施行等因順治十一年八月二十一日題本月二十二日奉聖旨依議行欽此欽遵備咨到職又卽咨會前任撫臣並行蘇松提督蘇州總兵卽便詳察衝要海口作何扼防星速選

練兵丁聯絡策應務使多方籌畫勿致隙疎仍將以前寇犯何無堵禦該管將領職名確查一併回報去後職復屢次行催始據蘇松兵備道副使今休致張獻捷詳稱奉本部院檄查上年海寇入犯該提鎮疎防緣由又飭行限地以程功罪等因奉此案經移會提督總鎮并常鎮道確查申飭去後今准張提督手本移稱除限地以程功罪已經通行沿江沿海將領加謹提犯取有各營遵依附卷外該本督鎮查得海逆於前年九月初間突犯上海等處此時本督鎮聞征未回於途中接有周撫院塘報手書星夜兼程於九月十六日回到松江卽馳赴海上吳淞劉河等重地一面彈壓一面酌調將士督修船隻甫有頭纜便會同撫院并蘇鎮在七丫發兵出洋於十一月十七日行至平洋沙遇賊大艚四百餘號我兵奮擊賊船六隻沉水賊兵紛紛落水溺死又在吳淞會同撫院蘇鎮發兵出洋於十二月十三日行至施翹河等處遇賊大艚六百餘號我兵奪擊賊船五十餘隻賊兵落水無數追賊一百二十餘里天晚收兵此後調遣各標將士不時出洋撓擊并指授江靖楊孟等營嚴加堵禦各有擒斬奪擊之

功及護糧護餉渡崇接濟以通海道於上年五月十八日遵奉督撫部院方略發兵大戰奪賊泊船之老營擊賊所倚之大艦使數萬賊兵千餘賊船敗遁而南本督鎮又發將士直追至浙汛又在定關夾剿俱經塘報可考本督鎮之心力不爲不盡况寇逆如彼之衆寇艦如彼之多孰視九閱月而孤懸海外之崇明與獨處江中之靖邑俱皆保全無恙寧非戰守之力本督鎮固不敢侈言有功或與闡茸踈防者有間等因又准王總鎮手本移稱案照順治十年七月二十九日准浙省提鎮塘報賊船逼犯浙境請兵夾勦本鎮會同周撫院兩次遣發守備呂珍等統領船兵赴浙援剿又調右營參將李必撫標千總程可會渡崇貼防崇明九月初二日本鎮親統官兵移駐上海城外又令千總王龍扼防楊家嘴又調把總董得伏防守該縣初六日本鎮親赴楊家嘴防禦比因賊船乘潮突犯本鎮親領官兵分頭沿塘剿殺共獲賊船六隻擒獲活賊黃中在等七名得獲旗幟統砲器械等項又飛馳吳淞調度援剿九月十五日提督張總兵自閩旋松本鎮於二十日至劉河瞭見逆艦圍困崇明隨調原任遊擊曹士

奇楊國海各領兵出洋剿禦又令千總王龍等率領戰兵多帶藥彈夤夜渡海突圍救援崇明十月三十日又令原任遊擊曹士奇統領官兵出洋追勦擒獲活賊蘇大陽等十名沙船二隻鎗砲四十二件十一月十五日又會同周撫院張提督派發原任遊擊曹士奇楊國海率領鎮標官兵出洋擊碎賊船六隻十一月十九二十五日兩次差官陸全等連送糧米七百石餉銀三千兩渡崇接濟兵食十二月十三日又令曹士奇楊國海同各標官兵出洋勦殺追逐一百二十餘里十二年正月初六日差官陸全等管解糧米三百石餉銀八百兩運送崇明十八日本鎮親至七丫海口督發把總潘大才等又解糧米二千石餉銀三千兩渡崇接濟兵民正月二十五日又令原任遊擊曹士奇統領官兵出洋追勦打壞賊船一隻二十八日又令曹士奇等出洋追勦得獲沙船二隻鎗砲器械三十六件三十日又令曹士奇出洋追勦陣獲沙船四隻擒獲活賊黃二等十名旗幟器械四十六件二月初十日又令曹士奇等統領官兵出洋追勦陣獲活賊徐亭等二十五名旗鎗二十五件賊船二隻三月十八日遣發者

民朱宇等出洋偵勦陣獲賊船一隻生擒逆賊黃大等八名三月二十七日崇
明糧盡告急本鎮又令曹士奇統領船兵遠涉稗沙開通海道突圍運送糧米
二千石餉銀三千兩入城當洋擒獲活賊朱二等一十四名賊船一隻鎗砲三
十五件四月初五日賊船侵犯福山督令中軍遊擊李廷棟領兵勦禦斬殺賊
級一顆擒獲活賊張洪等二名四月初八日又令中軍遊擊李廷棟福山營守
備董茂觀出洋截擊本鎮躬親策應擊碎賊船七隻十一日賊船衝犯福港本
鎮親督官兵分頭堵勦斬獲賊級一顆打沉賊船二隻得獲旗幟鎗砲四十九
件又令守備董茂觀等出洋追襲打沉賊船一隻得獲偽印銃砲一十五件賊
船一隻四月三十日奉總督部院密授方略遣發原任遊擊曹士奇等乘夜出
洋至山前沙賊副將黑李大營內焚燒賊船二十隻打沉賊船七隻擒獲活賊
曹大崔龍等得獲賊船一十五隻銃砲器械一百七十九件當解總督部院審
明正法訖五月初三日賊踪南下本鎮隨令原任遊擊曹士奇福山營守備董
茂觀盡統在汛船兵合艚追擊直至吳淞又飛調千統王龍等統領船兵由崇

明同各標官兵出洋合擊五月十九日據副參遊趙光祖等報稱十八日官兵奮勇奪賊住劄稗沙老營賊潰南遁隨令中軍遊擊李廷棟統領官兵船隻同提標官兵追賊赴浙援勦以上陣獲活賊船隻器械俱報總督部院及移解撫院訊明正法在案此本鎮於九閱月內督兵勦賊連餉援崇擒賊獲船暨出洋哨探沿塘截擊似於職分所司未嘗敢有疎忽始末自有鑒裁也今准前因相應移覆等因又准常鎮道咨文內開該本道看得寇艇入犯必由海而江故臺臣以疎防歸二鎮茲准二鎮移覆不惟無過且多擒馘之功蓋巨海汪洋茫無涯際隨風飄忽似未能遏之弗來惟視我禦之何如耳往事勿論矣嗣後有警必根究從何地而來自何地而逸罪坐該汛之弁無容旁諉庶人知奮起磨勵以須斯則善後要著也等因各到道准此該本道看得海逆張名振等弄兵於汪洋巨浸之中越閩浙而突犯蘇松飄忽飛騰行踪莫定沿邊鎮將易爲堵防守禦之力難成搗巢滅卵之功粵自前歲九月賊艇窺伺提督自浙初回總鎮移駐海上馳驅布置頗得扼要守險之方截殺追擒歷收斬將擐旗之績卒之

賊衆瓦解離離星散欲襲上海而潰敗過奔久困崇明而城池如故勢蹙計窮奄然宵遁兩鎮之捍衛封疆蓋亦不遺餘力矣至云限地以程功罪則寇踪自南躋北由海達江乘風順流之勢卽欲截中流而邀擊之亦苦於戰艦未敷之患耳茲准兩鎮自陳又准常鎮道會議前來合行呈覆伏候憲裁等情又據蘇松提督張天祿呈稱奉本部院檄查衝要海口作何扼防聯絡策應其以前寇犯何無堵禦確查該管將領職名具報等因奉此隨該本職通行確查去後准蘇鎮王總兵移開寇氛叵測凡衝要海汛處處宜防本鎮嚴督將士晝夜枕戈捍禦維緊今照崇明孤懸海外已經增兵運糧預備扼守若福山劉河兩汛雖本鎮躬親駐防然邊長兵單見在移請撫院增兵防禦至於往日賊犯崇明福山等汛將士殫力勤殺保守孤城且斬級獲船屢經塘報在案並無畏怯不前情由無憑開報等因准此又據吳淞副總兵趙光祖覆稱卑職奉調協防崇明見與蘇標李參將整練兵馬相商扼險以固海江外其吳淞衝要海口業奉本提督撥發官兵駐防無俟喋陳至於前番寇犯情形職統官兵奮力堵剿不敢

登岸並整舟師協同各標官兵在洋追勦擒賊獲舡斬馘奪器節登塘報在案
地方幸保無虞等情又據劉河副將高必昌覆稱劉河沿海一帶上自白茆下
至川沙大小汛口共計八處俱稱衝要按汛之大小派兵之多寡每大汛著令
千把一員督兵晝夜瞭望扼防聯絡策應至於寇犯情形前年九月初三日南
寇突犯海口天妃宮職督率官兵奮勇堵禦打壞賊船賊寇始退保護城池地
方無恙至上年二月二十九日海寇突犯七丫口防汛中軍呂珍鑿戰陣亡迅
發把總王自新等率兵飛援殺賊衆多賊始退出保全茜涇六公兩市鎮數月
以來出海交仗犯汛對敵大小五十餘戰並未失事等情又據金山參將吳守
祖覆稱本汛控制極邊東有胡家港金山頭西有白沙灣朱家墩俱係衝險要
地卑職派發官兵加謹隄防至查以前寇逆屢經連勝結艇乘潮窺伺在我汛
守官兵奮力堵勦從無失事等情又據柘林營守備土國相覆稱衝要海口嚴
督官兵沿塘哨守仍會同金山青村兩營聯絡會哨每遇寇艇犯境即會同貼
防官兵協力堵禦地方並無失事等因又據青村營守備孫志標覆稱遵奉憲

行衝要海口倍加扼防聯絡策應其以前並行寇犯亦無失事等情又據南匯營守備丁可貞覆稱本汛衝要海口常川堵禦聯絡策應不敢刻懈從無寇犯等情又據川沙營守備王自明覆稱本營衝要海汛除曹家路口業奉發把總姚順率兵防守其餘海汛分布扼防聯絡策應其以前寇犯崇明等沙本營官兵晝夜伏禦海塗並無登犯失事等情又據寶山營守備劉鑑覆稱本營南路黃家灣爲賊來首衝之地北路江口爲窺犯之區俱爲衝要撥派汛兵扼防聯絡會哨惟是汛險兵微防禦單弱卑職自前年十月內底任之後雖寇踪不常游移晝夜嚴防堵禦並無登犯失事等情又據常州副將張思達覆稱職屬沿江靖江楊孟四營節經奉行申飭各督官兵無事則操練較射有警則戮力扼防申嚴烽燧遠偵密探聯絡隣封策應此見在職分之事也其去年洋寇上犯卑職奉調江陰馳援會同常鎮道晝夜駐扎君山督同守備劉衍分派禦防上下奔馳堵扼開砲打壞賊船傷賊無計靖江守備王所召亦有擒斬之功楊孟守備徐得功高尙義俱悉心殫力拮据具有成勞職屬江干亘綿三百餘里雖

賊衆舡多而我武維揚戰守備具狂寇不敢登陸一步並無失事此皆當經塘報非有所矯飾也等情又據鎮江副將楊廷機覆稱上年正月二十六日四月初六日海寇兩犯京口皆本職未任之事其中堵剿事宜莫能確識隨行中軍守備龔大用確查據本官回稱查得鎮屬沿江汛地最險者莫如圖關寶南北之咽喉長江之鎖鑰遵奉相度形勢安設砲火撥兵協防無事則操戈扼守有警則飛會隣營協力堵剿已久稱聯絡之勢矣但查上年正月內海寇初犯京口卑職先奉調赴吳淞會剿因前任張協鎮塘報告急卑職奉令發回堵禦星夜回至鎮江而賊已下遁爾時雖聞簾灣江中簾棚火起東北風延燒埂邊草房賊衆並未登岸本年四月寇船復犯京口而本標各汛官兵放砲攻擊奮勇堵截並未有一賊登陸保固合郡安堵再查永生營一汛准守備侯承恩回開本洲孤注江心四面環水皆爲受敵上年正月海寇上犯由大江之南聯艦上行本營舡少兵單兵民協力堵禦四月內海寇上犯本職先調駐防丹徒鎮海寇未敢近岸等情聯詢查核無異呈覆到職據此該本職看得蘇淞常鎮四府

各營皆沿海沿江重地其衝要海口江口俱已增兵貼防其隣汎營分俱已聯絡策應各營登答已明無庸多贅唯是海寇與陸寇不同洋洋瀚海無關隘阻寒乘風乘潮頃刻百餘里而各營處處當防寇以大艦合力而來營以廣汎分兵而守審勢原情但能保全無恙便爲無罪各將領似無可苛求若鎮江副將張誠奉旨提問永生營守備侯承恩奉旨免議則又無俟本職之贅陳矣擬合呈覆等情各到職據此該職看得封疆大事責成不可不嚴行問功罪綜核不敢不實如前番寇犯蘇淞提督臣張天祿自閩馳歸即與鎮臣王燾各親率堅兵出洋撓擊九閱月之身嘗矢石擒斬炳於塘報勞蹟確於道查似未敢稍有疎防自干罪議再察各營將領在在戒嚴雖難蹈海而成堵禦之功亦能守汎而免疎虞之咎應否與提鎮二臣並邀恩宥統候睿裁非職所敢擅便也至限汎地以程功罪寇出寇人坐於該管之官扼海口以壯聲援選將練兵預行策應之事職已察照臺疏凜遵廟算令期先誠法在實行斷不敢以旦夕候代之人稍爲各鎮將寬也既經呈報前來職謹會同江寧撫臣張中元合詞具題伏

乞睿鑒勅部議覆施行爲此除具題外理合具揭須至揭帖者順治十二年三月三日

總督江南江西等處地方軍務馬國柱揭帖

清順治十二年三月二十八日到

欽命總督江南江西等處地方軍務兼理糧餉太子太保兵部尙書兼都察院右都御史今休致候代馬國柱爲塘報官兵突圍運餉并陳破賊捷功仰祈聖鑒事案准兵部咨前事內開該本部覆江寧巡撫周國佐題前事等因順治十一年四月初六日題五月初一日奉聖旨據奏護運糧米接濟崇明開通海道殺傷多賊知道了在事有功人員察明議奏該部知道欽此欽遵抄出到部送司案查到部該臣等看得崇明孤立海中久被賊困文武將吏護運銀米殺傷多賊據該撫疏稱俟詳查另敘應俟詳查到日臣部另行分別確議具覆可也恭候命下遵奉施行等因順治十一年七月二十一日題本月二十二日奉聖旨依議欽此欽遵備咨到職隨即咨會前任江寧撫臣詳查叙覆去後未准咨覆登行移催續准江寧撫臣張中元咨開查得前件已該前院彙入海寇連犯

二邑等事疏中回奏訖等因前來准此案查先准兵部咨爲崇明被困日久情形萬分危急據報上聞仰祈聖鑒事內開該臣等看得督臣馬國柱疏稱崇明久爲賊困海道阻絕兵民乏食該管鎮道將領各官兵何得坐視七月不行救援請勅該各督撫嚴飭鎮將各官星速挑選兵船飛馳進勦急救倒懸仍請嚴勅浙江督撫職星撥兵船前來策應合力夾擊共奏膚功勿再遲延者也恭候命下遵奉施行順治十一年四月二十八日奉聖旨依議速行崇明被困七月該管各官不行救援好生可惡著察議具奏欽此密封到部密咨到職隨即移會前任江寧撫臣並行蘇淞提督蘇州總兵蘇淞兵備道星速查報以憑察議去後續據蘇州總兵王燦呈稱案照逆寇越閩浙而突犯崇明本職會同周撫院於順治十年九月初四日調發職標右營參將李必領戰兵三百名撫標千總程可會領兵二百名赴崇貼防及賊攻犯該縣又發左營千總王龍把總呂大洪楊振邦領戰守兵三百名同崇明營把總胡汝英閔溪并帶火藥鉛鐵子涉海救援十一月十五日暨十二月十三日官兵兩次出洋進勦打碎賊船五

十六號箭砲傷賊無數追逐一百二十餘里十一年三月內准周撫院張提督會議又會千把總劉一貴秦奎崔進忠等領戰兵三百名携三月糧餉赴崇益防北關至每次出兵獲捷皆所以援顧崇明另有塘報在案若該邑孤懸海外轉輸爲難該本職屢奉本部院嚴檄會同撫院設法運米運餉以及火藥鉛鐵子等項共計七次此皆仰遵憲檄屢次出洋運糧發兵救援該邑得保危城本部院自有洞鑒非本職所敢贅也等因又據蘇淞提督張天祿呈稱該本職查得崇邑孤懸海外寇踪遍布崇沙若非屢屢增兵貼防屢屢出洋撲勦而設法運糧運餉以通海道則崇邑安能保全其不能蚤建蕩除之績者實限於船隻兵賊多寡之分非有別情今奉本部院暨撫院剿撫並用而五月十八日合師一擊賊艦大敗南遁危疆業已奠安救援不爲不竭力矣本部院自有明鑒既經蘇鎮王總兵查覆前來擬合呈覆等情在案今准前因該職看得從來城守不慮外有橫氛惟恐內無固志如葭爾崇邑孤處海中四面受敵運道阻絕兵民乏食枵腹而責人以固守斷斷不能故職一面具疏上聞一面移咨去任撫

臣周國佐給發銀米并嚴行提督臣張天祿鎮臣王焯立調舟師護運突圍而入職復親臨海上勦撫兼施賊計窮南遁遂使危崇復安雖先據職疏奉有該管各官不行救援奸生可惡著察議具奏之旨然孤城之保全整擗甚厲既有桑榆之收雖七月之攻犯救援稍遲似可道東隅之失今據呈覆前來職謹會同江寧撫臣張中允合詞具題伏乞睿鑒勅部議覆施行爲此除具題外理合具揭須至揭帖者順治十二年三月日

總督江南江西等處地方軍務馬國柱揭帖

清順治十三年三月二十八日到

欽命總督江南江西等處地方軍務兼理糧餉太子太保兵部尙書兼都察院右都御史今休致候代馬國柱爲軍需之缺用難緩封疆之綢繆宜預特請補造以資防勦事順治十一年二月初一日職准工部咨前事內開虞衡清吏司案呈奉本部送工科抄出該本部題覆江南總督馬國柱題前事等因到部該臣等看得江南城守舊有大砲車輛火藥等項上年爲出征湖廣江西借用該督疏稱已檄司道補造用過錢糧應聽造完報部核銷似毋庸議所有紅礮

拾位應用車輛棉簾繩索等項委宜預行辦造其所需工料合無准於臣部軍器銀內聽該督動支應用完日開其實數一併奏銷可也等因具題於順治十一年正月初七日奉聖旨依議欽此欽遵移咨到職除補造出征湖廣江西借用車砲火藥用過錢糧另疏報銷外其紅彗砲十位應造車輛等項隨檄江南布政司遵照并行右布政分守道採買木料在於滿州城內車砲廠鳩工打造去後職屢行催督嚴加責成所有應造砲車陸續就緒職隨行令右布政使馮如京會同署分守道僉事趙曰曠親詣滿州城內將造過車輛棉簾等項逐一備查回報今據該司道呈稱遵經轉行上江二縣確查隨據二縣申稱卑職隨即親詣滿州城內將各樣砲車詢問管車章京并經造委官查明紅彗等砲各名司數目覆加查核自順治十一年二月初三日原奉憲行題請製造紅彗砲車十位續蒙本部院會同滿漢提督查出大銅紅彗砲陸位江西紅彗砲八位福建紅彗砲十位已完應造地車二十四輛修整地車二輛未完棉簾騾車四十八輛做成車頭輾軸輞輻等材料今恐木性燥烈俟乾透以便成造又添

造發貢砲車一十五輛又火藥局查出小紅礮四位鑄鑽火門未造車輛今奉查發將軍砲一百位安耳打造砲匣砲架各一百個并添鐵鍋巴鑲等件見在責令各將星速打造內操撫李部院取用發貢砲并車一十一位輛又火藥局查出紅礮四位無車等情到職據此該職看得紅礮發貢等砲乃破敵推堅之所亟需者也但施放全憑車輛故職具疏請造以爲未雨之防蒙皇上特俞部議所需工料准於軍器銀內聽職動支應用完日奏銷誠智周計遠之廟謨也職責成司道打造工料必期精堅出納務清實數案查紅礮十位應造車輛棉簾等項經職先已題明續因海寇上犯長江報警砲爲防勦必用之物亟宜多備隨與滿州章京同於江寧庫中查出大銅紅礮六位又江西紅礮砲八位福建紅礮十位通共砲二十四位應用棉簾車輛等項俱當辦造齊備以濟戰守屢交催督今造完地車二十四輛修整過地車二輛又添造發貢砲車十五輛操臣李日芑取去發貢砲車十一位輛并火藥局查出小紅礮四位安設沿江用資防勦先給買辦物料等項銀三百兩各匠工錢四十七萬

九千七百六十文係動支布政司正項銀錢又匠作食米二十三石一斗一升已於江寧倉支給其餘木植等價完日報銷尙未完棉簾騾車四十八輛已經辦有材料貯廠但一時未能乾燥難以成造并應用棉簾及鉛鐵砲子皮袋繩索俱應一一製辦庶免臨時缺用今職又於庫中查出將軍砲一百位已行安耳并脩製砲匣砲架以上工價等銀及車輛棉簾等數詳經司道一一案存均俟新督臣至日接理督造完日將職前用過銀米一併奏銷茲當交代理合題明恭候睿鑒勅部存案查核施行爲此除具題外理合具揭須至揭帖者

經略湖廣江西雲南貴州等處地方總督軍務兵部尙書

洪承疇揭帖清順治十四年五月

欽命經略湖廣江西雲南貴州等處地方總督軍務兼理糧餉太傅兼太子太師內翰林國史院大學士兵部尙書兼都察院右副都御史洪承疇謹揭爲恭報益陽鎮兵再行接出雲貴投誠僞官事順治十四年五月初七日職據鎮守湖廣益陽總兵官劉進忠呈報據本標中軍兼管中營遊擊事于思明解送招出雲貴投誠僞副將一員李毓奇併伊胞弟李尊文及小子二名到職隨面同

各官詳詢來由據李毓奇稱年三十七歲係湖廣鄖陽府人原在廣西隨楊國棟到貴州投順僞秦王當將楊國棟封爲僞武陵侯管三鎮五哨內僞前鎮係楊新桂僞中鎮梁殷僞後鎮張四維僞前哨頭徐科道僞左哨頭即李毓奇僞中哨頭劉進德僞右哨頭劉德貴僞後哨頭汪存忠後因僞府坐營上本將三鎮裁革止留五哨頭李毓奇之左哨隨改爲三哨至今順治十四年二月內僞秦王將僞武陵侯封爲僞沅國公要從新立鎮公議將僞頭哨劉進德轉補不意前裁僞前鎮楊新桂起念爭競通謀楊國棟下僞材官劉世勤跟役管隊林雲等夥同扯往貴州見僞秦王訴功楊國棟聞知於三月初五日令材官擒拏楊新桂不知材官劉世勤即係新桂同謀遂致共行鼓譟將石阡府糧倉民房燒燬劉世勤竟將楊國棟砍傷兩刀殺傷僞頭哨劉進德又砍傷僞中軍高雲龍一時勢不能止楊新桂即率衆將毓奇等一齊扯走思南府遇著僞平蠻前營馮萬寶阻路打仗殺出行至銅仁府人平頭司又遇僞參將袁韜伏兵將楊新桂砍傷不能總管兵馬有楊國棟僞旗鼓喬明啟爲首悉衆護圍楊新桂走

至紅苗地方楊新桂傷重身故因而暫住兩天燒埋屍骨至三月二十一日忽有僞嘉定王馬進忠帶領馬步賊五六千有餘追趕將賊兵盡行招撫回沅州因各僞官各自奔山毓奇家眷三十餘名口俱無下落暗想不趁此際圖歸更待何日隨將去年收得益陽總兵招撫告示謹藏衣內同胞弟李尊文帶領親丁百十餘騎徑奔大清朝希於辰溪渡河路遇僞鎮守馬寶堵截毓奇不得已棄衆丟馬并拋什物同弟黑夜扎筏偷渡過河跑至溱浦離城十里薛俚地方因連年駐守溱浦曾與此處武姓生員相交即特投他爲出路計承武生員藏住十餘日說知大清朝招撫德意並言前有投誠僞遊擊王啟明等皆蒙經略內院及益陽總兵厚賞仍爲題授原職見今大書告示廣布招徠你可從正寧司一路出去接近烟溪汛地彼處卽有塘兵往來可以轉達毓奇聽得此語隨同弟李尊文并先在溱浦招得餘丁李節李虎二名於四月十九夜行至正寧司過來五里許託鄉民赴塘報信投誠果有把總蘇安邦到來撫慰領至烟溪千總郝陞卽送毓奇兄弟二人衣鞋等件復著蘇安邦解至益陽本職又再問

李毓奇實係何職據稱原先實授僞參將因今年僞秦王封馬進忠僞嘉定王封馮雙禮僞興安王將各營僞官俱行加陞一級故李毓奇得以陞授僞副將等情該本職即與標下在先投誠官陳現良等查問皆稱委果不差隨將把總管百總事蘇安邦賞給花紅千總郝陞另行獎賞即將投誠僞副將李毓奇等各行安插待以酒飯分別賞給衣袍靴襪至四月二十八二十九等日又數次傳進詢問俱與前情無異今該本職看得投誠僞副將李毓奇先有私收招撫告示之心可見慕義已久今伊弟兄拋舍家口棄衆來歸投誠之念真切更得淑浦武生員指引撒塘把總蘇安邦接護得以前來此實足廣布朝廷綏懷德意今李毓奇等頭髮尙全本職不敢擅自遽剃耑差蘇安邦等解送本經略驗明剃髮作何安插循例優叙以期後効至中軍兼管中營遊擊事于思明調撥防汛用人得法具見精誠之驗該管千總郝陞防守烟溪能不時撥發官兵遠探接引奉行惟謹隨防把總管百總事蘇安邦屢次越邊張掛告示遠探賊情今克佐招撫勤幹足錄俱應詳祈獎勵等因解送到職職隨批發分巡下湖南

道陳正中覆詢相同并職親問明白該職看得投誠偽副將李毓奇乃偽武陵侯楊國棟下僞哨頭因裁革僞鎮楊新桂譟亂扯同走出隨帶親丁家口俱爲賊逆截散止與伊弟李尊文逃至溆浦先有收留益陽總兵劉進忠招撫告示卽已蓄投誠之心繼得武生員開示大清朝綏懷德意益深歸順之念遂自赴烟溪塘兵處所傳說投誠隨爲把總蘇安邦領引千總郝陞接應解送益陽已經鎮臣劉進忠詢明來歷各加犒勞復解至職軍前發赴分巡下湖南道僉事陳正中問實李毓奇之來其情甚急而慕義一念實有可嘉此雲貴老本久賊必加意優養乃足彰皇上浩蕩鴻仁并可爲招撫榜樣職卽將李毓奇給以銀兩衣袍帽靴并伊弟李尊文隨帶小子俱分別賞犒仍發回鎮臣劉進忠照管安插以俟立功自効其李毓奇應加職銜應給俸廩俱聽部臣照例酌議以爲投撫示勸至鎮臣詳稱中軍兼管中營遊擊事于思明調撥得法具有効驗千總郝陞哨探明遠把總管百總事蘇安邦接護用力各應獎勵以勸勤勞職已將郝陞蘇安邦各賞銀兩用昭鼓舞今應否與于思明再行查叙此又應候部

覆請自上裁非微職所敢擅議職謹會同湖廣總督臣今降級候代祖澤遠湖
廣撫臣張長庚偏沅撫臣袁廓宇合詞具題伏乞皇上勅下該部覆議請旨裁
定行下職等欽遵奉行爲此除具題外理合具揭須至揭帖者順治十四年五
月二十五日

黎維轍告稱黎氏宗族中有黎維團者係伊胞弟已於丁未年二十歲時病故等語並詢據黎維祁之母及屬下人等俱無異詞是與貴國王所稱並無黎維治其人之處相符前此投出二人竟係捏冒但現已安插江南距京甚遠蒙大皇帝特敕該省總督將黎維治等飛提解京俟解到後再命軍機大臣切實究詢另行定罪再降諭旨大皇帝撫綏藩服恩溥德洋如此本部堂等將貴國王表文內事理據情轉奏仰蒙大皇帝以貴國王於國內事宜俱能嚴密查察明白敷陳必能嗣守先業續承恩眷聖心深爲喜悅特頒諭旨並賞綉蟒袍一件金錦二疋葫蘆大荷包一對小荷包六個以昭優眷欽派廣西布政使成林率領同知王撫棠親身賚至鎮南關頒給爲此先行照會貴國王當敬遣陪臣預期至關以便成布政使賚捧聖旨同御賜物件面行頒給祇領想貴國王榮膺天寵欣感倍深自必益勵寅恭也應鍾協律貴國王近祉亨佳無任賀祝須至照會者九月十二日

十七

臣等將江蘇委員解到黎維治及張廷眷與黎維祁之母阮氏素黎維鞞分別詢問據黎維治供我原名黎維溥父名維昭曾封瑤郡公我在黎維禱做國王時未經做官迨黎維祁嗣爵國亂維祁令我在清華糾兵恢復後避至寧邊一帶聞阮氏來拿改名維治因找尋維祁投至田州等語旋詢之黎維鞞據供黎氏近支並無名維治者至維團係我胞弟早經病故此外宗族甚多或有取名音同字異之人我實不能知道若黎維禱曾封瑤郡公這是我堂房叔叔他的兒子我見面認得其名字不能記憶等語臣等以你與黎維禱爲叔姪其子係你弟兄豈有不知其名字之理再三駁詰據稱我們在安南時同祖以下每月朔望在祠堂晤叙是以能知名字至同曾祖以下共有數百人較爲疎遠並不相會是以不能一一知名其不在城居住者竟見面不能相識我等蒙大皇帝逾格厚恩倘有冒認他姓爲本家情事日後難逃查察我等情甘重罪等語臣等察其情節似無假捏遂令與黎維鞞見面即抱頭痛哭彼此俱屬認識又令與黎維祁之母相見彼此均不相識據黎維治稱黎維祁之母在內居住我未

能進見是以不相認識黎維治復向其告稱伊父名維禔黎維祁之母亦稱素
知其名曾封瑤郡公實係近支等語謹擬寫給阮光纘勅諭並寄信長麟等諭
旨進呈謹奏十月二十二日

十八

抄出黎維溥親筆供詞

曾祖名維禔

國王

國王維禔
維禔長子
國王維禔
維禔長子
國王維禔
維禔長子
國王維禔
維禔長子

國王維禔
維禔長子
國王維禔
維禔長子
國王維禔
維禔長子
國王維禔
維禔長子

五十一年安南國亂時維溥在黎城未曾做官至五十三年天兵賜援黎維祁
復位維祁使溥回清華招諸藩臣及至五十四年天兵撤回彼時溥尚在清華
因爲衆所推不能一旦解釋及聞天朝已封阮氏爲王亦欲散去奈兵勢旣成
遂相維持保其險峻以存黎氏一線之嗣奈阮氏貪心不足不肯相容提兵來
擊溥不得不與之一戰及至兵敗逃難至本國興化嘉興府寧邊州又聞他來

拏遂改名爲維治緣阮氏於黎氏亦不相加害惟有與他爲敵者他所不容耳故特改名而不改姓本欲安身於彼却念黎維祁現在闕下是以尋方內投至本國禮州剃頭改裝留住禮州凡四個月方得廣西鎮安府歸順州淦安村人李時歡他來我地方做生理粗通講話要他帶去由嵩陵州而入至廣西歸順州住七八個月打聽維祁消息並無音耗亦無一人知覺以爲不見官僚則無日可得見主人之面故來田州岑大老爺衙門求其轉送若溥不是黎氏之族安敢問關路途而哄上憲以身試法乎清華離宣光甚遠溥在清華黎維祇在宣光但聞人傳言維祇與阮氏打仗不利不知道是否十月二十二日

十九

大學士公阿大學士伯和字寄兩廣總督長署廣西巡撫姚乾隆五十九年十月二十二日奉上諭本日據江寧委員將黎維治張廷眷二人解到當令軍機大臣詳加詢問據供伊原名黎維溥實係黎維祁同曾祖族叔並據親筆開呈譜系支派及避難內投情形頗爲明晰並令黎維祁之母及黎維駁當面識認

彼此俱屬相識指認明確伊等相見即抱頭痛哭察其詞色斷非虛假是黎維溥之爲黎氏近支已無疑義前次阮光纘表稱恐係土目等冒名內投一語顯係捏飾茲特頒勅諭詳切訓示該督等接奉後即派員趕赴鎮南關仍交成林頒給令其祇奉俟該國王接奉後如何登答覆奏或伊具咨呈覆該督等於接到日即行迅速奏聞除將黎維溥及張廷眷二人就近交金簡入於黎氏佐領下編管安插外將此傳諭知之欽此遵旨寄信前來

二十

奉天承運皇帝勅諭安南國王阮光纘知悉前據兩廣總督長麟等奏安南國有呈進表文一件內稱遍查該國並無黎維治其人黎氏宗族亦無奔逃之事恐係該國土目農福縉黃文桐餘黨捏冒內投懇爲究查等語朕因命御前大臣福長安等詢之黎維祁母阮氏素及黎維駿等亦稱伊近族弟兄並無名黎維治者是爾前表非虛當經降諭嘉獎並令江南督撫將安插該省之黎維治押解到京經朕令軍機大臣詳細研詢黎維治原名黎維溥其父維紹曾封瑤

郡公實係黎維祁同曾祖族叔並據開呈譜系支派甚爲明晰隨令黎維祁之母及黎維襪與之當面識認彼此俱屬相識是黎維溥之爲黎氏近支已無疑義朕撫馭中外一視同仁從前黎氏臣服天朝百有餘年之久是以黎維祁母子內投時朕即加恩安插黎維治內投後已發往江寧安插嗣經爾表稱恐係農福縉黃文桐餘黨有捏冒情事是以令將伊等解京如審明捏冒屬實尙欲發還爾國今既問明黎維治原名黎維溥並非農黃二姓餘黨自必尙在爾國爾可自行訪尋辦理

國聽爾處治之理其餘黎維溥手下之在安南人等作何處置悉聽爾國辦理總之爾父受朕厚恩錫封王爵俾作屏藩爾繼守先業惟當敕寧境宇益矢敬慎仰承恩眷黎氏近支現經天朝安插亦無能復至爾國滋生事端爾可無庸窒慮爲此詳切訓諭爾其祇承朕命倍加恭順毋隳前業以期常荷渥恩特諭十月二十二日

二十一

大學士公阿大學士伯和學寄署廣西巡撫姚乾隆五十九年十一月二十五

日奉上諭姚棻奏續奉頒發安南國王勅諭一併交給成林恭賚赴關一摺據稱現囑成林於到關後如果該藩聞信前來卽將勅諭恩賞宣旨頒給等語前此頒發勅諭及賞賜物件曾諭令長麟於照會內先給該國王一信令該國王卽令陪臣先期到關祇領若阮光纘親來固屬甚善若伊派令陪臣前來成林卽應將辦理緣由及優加獎賞之處向該陪臣明白宣諭原係聽其自便今據姚棻所奏似必須阮光纘親自赴關祇領其意不過欲見其辦理周到但於原降諭旨未免錯會此旨到日成林自己前抵鎮南關遵旨頒賞阮光纘或親自到關或遣陪臣祇領當已辦理完竣但姚棻於朕意未能領會所辦稍似拘迂著傳諭知之欽此遵旨寄信前來

二十二

大學士公阿大學士伯和學寄大學士雲貴總督公福署廣西巡撫姚乾隆五十九年十二月初三日奉上諭姚棻奏安南遞到呈覆福康安呈文並備送土儀一摺據稱閱其呈文情詞甚屬肫懇謹將原文進呈其肉桂犀角二件暫行

收貯恭候指示等語阮光纘接到福康安前次照會能知悅服復備呈文兼送土物實屬明曉大義但福康安若行收受又須備物酬答該藩接到後自必復備呈文土儀以伸謝悃稠疊往來徒滋繁節無所底止所有此次該藩備送物件竟可毋庸收受福康安祇須繕寫照會告知阮光纘以該藩所遞呈文情詞懇切並備送土物足見恭順可嘉但人臣無境外之交况與該藩並未接見其感戴悃忱已經鑒悉所有備送物件未便收受此後亦毋庸再行備送以免往返之煩本爵閣部堂現已蒙恩調任雲貴總督與安南境壤相接仍與在廣東無異如此明白照會既可安該藩之心亦可省酬答之繁豈不兩便著福康安遵照辦理並令姚綦俟福康安照會到日即同收存原物一併遇便發還將此諭令知之欽此遵旨寄信前來

二十三

大學士公阿大學士伯和字寄署廣西巡撫姚傳諭成林乾隆五十九年十二月二十四日奉上諭成林奏恭齋頒賞阮光纘勅書蟒袍等件前赴鎮南關於

太平府途次接據阮光纘呈稱接到照會知天寵下逮極應躬自赴關叩領奈因現患水痘忌見風日不能親來謹遣陪臣阮文用吳時任詣關代謝天恩恭領御賞等語阮光纘因患水痘不能親自赴關領賞特遣其陪臣阮文用等前來代領經成林向其明白宣諭並另具照會交伊帶付回國所辦尙好着傳諭姚葵成林再照會阮光纘以爾父阮光平臣服天朝恪守大皇帝恩眷至優極渥爾冲年襲爵克繼前修大皇帝深爲嘉獎是以疊頒恩賞今爾因患痘不能親自詣關特遣阮文用等前來代爲叩領恭順有加當經本部院奏聞大皇帝以爾年幼患痘殊深廬念爾國王務宜加意調攝以冀速痊長荷天寵此時爾所患水痘自己全愈即速呈覆本部院代爲奏聞以慰廬注如此諭知該國王自必倍感恩施益矢恭順也將此諭令知之欽此遵旨寄信前來

二十四

大學士公阿大學士伯和字寄兩廣總督長乾隆六十年閏二月十一日奉上諭據長麟等奏安南國明年始屆貢期阮光纘感激天恩欲於今冬先期呈進

以表愛戴悃忱等語安南國係來年始屆貢期今該國王欲於今冬遣使賚貢進關較例貢之期止早半年事屬可行自應准其所請即將此項貢物作爲丙辰年正貢明歲無庸另行呈進以示體恤著該督等即傳知阮光纘飭令貢使於今冬十二月內到京隨入各外國等一體宴賚俾遂其感戴之誠將此諭令知之欽此遵旨寄信前來

二十五

遵旨擬賞安南國王阮光平物件清單進呈俟發下臣等於擬審諭旨內寫入謹奏

玉如意一柄

朝珠一盤

蟒緞二疋

閃緞二疋

錦二疋

大緞二疋

紗二疋

羅二疋

賞阮光平

膠紗二疋

兼絲葛四疋

十錦香袋一匣

繡香袋八箇

甜香珠一串

線絡香念珠一串

香珠一包

香餅一包

曹扇一匣

芭蕉扇一柄

宮扇一柄

芙蓉手巾二條

錠子扇器二十個

紫金蟾酥離宮錠各三包

鹽水錠十五包

啟曰臣嘗問諸耆舊嘉靖丁酉年

詔使龔用卿之來也遠接使蘇世讓在義州以病辭以安州迎慰使鄭士龍代之至於

先王朝壬寅

詔使顧天竣之來也遠接使李廷龜在義州以病辭州迎慰使李好閔代之今者政院以吳億齡鄭協差兩處迎慰使蓋以文華爲重也吳億齡控辭之意必以申欽職秩相當聲望又重故也今若以鄭協代吳億齡則臣未知安州迎慰使以何人差送乎當初政院未敢以申欽

啟差者申欽方爲謝

恩副使故也謝

恩副使事體極重而政使旣以正一品差至於副使雖差申願實無試用文翰之地義州迎慰使與謝

恩副使輕重自下未敢擅議惟在

聖裁

傳曰令該曹議處仍

傳曰問于大臣處置吏曹回

啟曰

傳教云云問于大臣則領議政李元翼左議政李恒福右議政沈喜壽皆以爲

依柳根

啟辭施行無妨云何以爲之敢

稟

答曰依啟

正月十九日

一都監

啟曰都監郎廳事體至重自前有名望人員差下誠如

聖教第出入臺侍之人則或不能久於其任而在京無故人員甚爲乏少故不

得已或以前衙中有幹能人交差入

啟至如盤膳色耶廳則乃外頭日支供之任丙午年

天使時亦以蔭官爲之故依前例擬差矣伏承

聖教極爲

允當並改差他人別單書 啟

傳曰允

正月二十一日

一先運遠接使

啟曰

詔使先聲已到臣受

命已久所當即日就道而一路並定各官齊到各站然接方有所分付申飭而

去當以今月二十四日起程自前

詔使翰林給事中二員出來則從事官三員帶去太監行人二員出來則從事

官二員帶去例也今聞行人一員出來前日

啟請從事官三員內二員帶去製述官三員內二員帶去敢

啟

傳曰知 製述官車天輅 梁慶遇

同日

一先運遠接使

啟曰自前

詔使正副使二員出來正使入處東上房副使入處西上房一路各站本站及並定官分東西支供例也今者行人司行人先行是爲正使也當入處東上房太監後行而是卽正使也當入處東上房

詔使雖一員而本站及並定官協同合力以供前行

詔使後行

詔使亦如是爲之則正猶該所謂紙張對舉則輕庶無生事之患臣意如此議

于大司憲事尙毅則亦以爲然請以此意預爲知會於三道官察使處

傳曰允

正月二十一日

一因司練院所

啟

傳遠接使

啟辭今此

詔使之來欲以本站及並定官協同合力以供前後之行其意豈不以力分則勢窘衆合則事舉而有此云云也第有所不能者自前支供之事通同列邑預爲之派定某定則當供上使某官當供副使各其吏民入量爲限盡力措置故未嘗有生事不及之患矣今若不論前後混同支供則非徒主客異勢互相推諉至於鋪陳器具支應雜物一經糜費薄然難收雖以兩使之供盡入於一使而猶且不足其勢將至於改爲轉合重貽民困而後

運之行相距不遠則轉合之際又患窘迫其弊可勝言哉且前使雖過而留待繼來之行則舉一道人物長在於待候之地農時民力亦豈不爲慮也況我

國人心怠慢成習盡力於前則玩狃於後者勢所必然有若鞭擊之未勢雖用力而未必如前者乎參之事勢不若因前舊規施行是如爲昆其公事勿爲舉行少紓民力爲只爲禮曹等

傳教爲良如教

正月二十二日

一都監

啟曰

詔使先聲已到雖夜間不無公事舉行之事依前規郎廳一員自來二十三日入省記直宿何如

傳曰允

正月二十三日

一從事官以兩起遠使意

啟曰兩起

天使本站與並定官協同合力以供前後行事勿爲舉行事已捧承

傳今當依此奉行兩起之行分運支供則可紓民力誠爲便好抑臣等過慮行

人與太監煩簡不同則本站與並定官糜費懸殊恐不無不均之患又有

一事京畿雖殘弊站數少而郡邑可以分運支供至於黃海平安道形勢

似異平安道除江邊六邑外分派於十二站則一站並定官不過一二官

黃海道郡邑尤少七站並定亦不過一二官加以本站官並定官亦有殘

盛不敵之處如使之一切各當一起之行恐不無拘碍難便之患請以諫

院論

啟之辭移文三道觀察使使之從長議處則恐無所妨且臣等從遠發行之

意已爲啟

達矣京畿人馬未及整齊大同察訪時未差臣等發程日期不得已退定敢
啟

傳曰允

二月十二日

一都監

啟曰都監郎廳勿爲遷動事

啟請捧承

傳至於再三而吏曹又以郎廳尹顥差德源府使極爲未便尹顥自上年都監
初設時爲郎廳專幹軍色事務非但詳知首末且盡心料理勤幹供職今
若換付新手則當此

詔使先聲壓境之日都監事務無以成形請尹顥德源府使遶差還差都監郎
廳仍察前任且都廳睦長欽郎廳李顯英病親呈辭金存敬掃墳受由下
鄉都監之事各有所掌不可一日曠廢請並改差其代以司成尹讓副司

直鄭弘翼修撰吳翊差下何如

傳曰允

三月十九日

一都監

啟曰都監郎廳勿為選動事累捧承

傳而今者吏曹又以郎廳尹燧差送忠清都事極為未便尹燧忠清都事改差

還察都監之任何如

傳曰允

三月十五日

賜送生薑二斗

先運遠接使館伴都廳及各色郎廳應辦色
官分又曹太平館別坐各所修理監造官分送

賜祭郎廳從事

三月二十三日

一都監

啟曰郎廳吳翊今以問禮官不久當為發去請改差其代以司果李顯英差

下何如

傳曰允

三月二十四日

備忘記

詔使之行不久當臨凡干接待等事自政院一一申明檢飭各該司怠慢之事

輕則罷職重則拿鞫一依

先朝舊例施行司饗院自項習禮亦令前期累度爲之母致臨時窘急之弊各色分付

三月三十日

一司饗院提調關內節

天使宴享時習儀事本院

啟曰今此

詔使宴享依

傳教前期頻數爲之庶無臨時顛倒之患來四月初二日爲始南別宮私習儀
之意敢

啟

傳曰知道教是臥乎等以本院來初二日南別宮私習儀事 各色分付

同日

一禮曹爲知音事曹

啟目

賜祭

天使應行未盡條件追乎磨鍊

啟日後錄爲白去乎依後施行何如後

一

賜賻

賜諡

賜祭時

天使引禮及一應差備譯官乙良令司譯院預先差定

一

賜賻日行禮教後

賻物乙良

勅書一時尙衣院官員陪進時

御所爲白乎矣司譯院差備官並以終始察任

一禮文內

賜諡時大祝捧出

神主設於座覆以白紵布設几於後是如爲白有昆同大祝乙良令吏曹預差

並以擇差

一禮文焚黃儀內俟

賜諡禮畢承文院官以黃紙傳寫

誥命置於

誥命函之後以

誥命納於函藏之亦爲白有置以黃紙傳寫諸事令承文院預爲整齊舉行

誥命乙良行禮後仍爲奉

安

魂殿爲乎事是昆同

殿參奉陪進爲白乎矣奉安床乙良令尙院次知進排

一禮文

賜祭儀內前一日典設司設帳

殿於

魂殿大門之外東南向設

天使次於帳

殿之南近東西向

天使以

祭文置於龍亭中至

魂殿門外龍亭安於帳

殿牢饌入

魂殿引禮引

天使入次亦爲白有毘上項

魂殿是白在

宣政殿大門外帳

殿及

天使小次等乙良各該司預爲排設都監檢舉

一

天使入京日慕華館 迎

命教是時香亭左右夾侍續上香忠贊衛乙良令兵曹差定具烏紗帽黑衣黑

黑角帶行事

一
天使入京日慕華館 迎

命時儒生以時服行禮至南別宮亦以時服就位行禮事合成均館預先知委
整齊舉行萬曆三十七年三月二十三日左承旨臣朴震元次知
啟依允 各色分付

同日

傳奉常寺非他各司之比專委

祭享各

陵殿奠物所需眷正磨末汁油釀酒等役暫無暇故自在平時

天使時及

國葬時本寺奴婢則全不抄定經亂之後刑曹諉以各司典僕數少前於
天使時各差備出定此不過一時權宜之事而今番

天使時遂成前例本寺奴婢等無遺捧都日各差備完充定使喚
祭享重事將不成模樣頃日則各

陵殿只行四名日

祭今則五享大

祭依舊復立奴婢之役比前倍重而

永慕殿三時

供上本寺專委進排其他各差備園頭等項種種諸役不一而足勿論晴雨逐

日奔走決不可舍此而移役他處况夏享端爾等大

祭及

穆陵

永慕殿朔望

祭亦爲當前奴婢等既入

天使各差備則寺無可使之人許多奠物措備無策大概本寺時役奴子五十

餘名婢子九十餘名而

祭享供役之外如

天使時雜物色米糲色軍色宴亭色內資內贍禮賓熟手及房守各色掌各差備洗踏婢春正婢茶毋等役萬無分俱之之理若或不論輕重而一依都監刑曹之所分定則各

陵殿

祭享及

永慕殿逐日

供上亦未免廢闕且東籍田在於十里之外數少奴婢專任

粢盛耕作不可失時而並令抄出極爲未便本寺婢子無遺減下專委

祭物措備奴子則除

永慕殿

供上及各差備差定者外熟手若干名迎接都監使喚大

祭時前期十日還送本寺

祭後還役於都監籍田奴婢亦爲減下爲只爲 各色分付

同日

一禮曹

啟曰政院

啟辭內當初儀註磨鍊

賜祭行於

宣政殿

賜賻行於

仁政殿

宣政殿謂之

魂殿矣今者

賜祭

賜賻並行於

仁政殿則以一

殿或謂之

魂殿或謂之

仁政殿似爲未安令禮官更爲之定奪問禮官之行姑令停止定奪後發行

何如

傳曰允事

傳教矣

神御所在處則謂之

魂殿故當初以

宣政殿磨鍊時亦不題起

宣政殿之號而皆以

魂殿書之今雖改定於

仁政殿似不必直稱號也大概政院之意

賜賻

賜祭並行於一

殿有所未安欲令

天使預知此意俾無臨時疑問之端就儀註頭辭以

靈座設於

仁政殿之意分明書之其下稱

魂殿處並以

殿號改書無妨且五禮儀所載之文雖係

中朝禮節而我

國應行節目並皆參錄故纖悉繁多不可講究增損其中迎詔之儀則非但禮文明白已行近來顯有謄錄據此磨練鮮有差誤至於

賜賻諡祭等項禮節既無前例之可考不得已遵倣禮文無論彼我行禮悉皆

磨鍊而或云在我

國應行之節似當刪去以便

天使觀覽而拘於禮文未敢擅便矣今見

大明集禮則凡

冊贈與致奠王公以下儀註喪家前後所行之節略而不錄其意蓋有在也今

此儀註凡干

天使所見時行禮節目並爲刪改亦當三件儀註刪改處付標以啟且若稱

仁政殿則亦當連書不上令承文院察以舉行何如接待

詔使禮奠莫重焉苟有一毫未盡所損非輕反覆參究得正爲貴不避煩瀆之

嫌惶恐敢

啟

答曰更思之

賜祭

賜賻俱行於

仁政殿事甚未安

宣政殿雖曰狹窄或廣設補階以爲

賜祭之所儀註則一從我

國流來規或可矣勿爲刪削各色分付

同日

一禮曹曹

啟目今次

賜祭

天使時

賜賻

仁政殿

賜諡

賜祭并於

宣政殿行禮亦

啟下爲白有置應行諸事磨鍊後錄爲白去乎依後錄施行何如後

一禮文 迎

賜諡祭文及

吊賻儀內前一日設

闕庭於南別宮正廳南向設

誥命祭文及

賻物案於

闕庭之前

誥命案在東次祭文案賻物案在西

設香案於其南

天使捧

誥命祭文賻物各置於案

一

賜賻儀內前一日設帳殿於 敦化門內設

天使次於帳

殿之南設

闕庭於

仁政殿正中南向

賻物案於

闕庭之前

有勅書則案在賻物案之東

香案於

賻物案之南

賜賻日

天使以賻物置於彩輿

有勅書則置於龍亭至

敦化門內

賻物輿安於帳

殿

天使入次

賻物輿陞

仁政殿

天使捧賻物置於案

有勅書則置於別案

行禮禮畢執事者取

賻物盛於函以入

一

賜諡儀內

賜賻後擇吉行

前一日設帳殿於

宣政殿大門外之東南向設

天使次於帳殿之南設

誥命案於

靈座之東北南向

賜諡日

天使以

誥命置於龍亭至

宣政門外龍亭安於帳殿

天使入次

誥命龍亭陞

宣政殿

天使捧

誥命置于案

殿下受

誥命以授近侍置於

靈座前

有案

誥命

亦有函黃
狀尚衣院

上項入京日南別宮行禮時

詔勅誥命祭文案

賜贖日

仁政殿

勅書案

賜諡日

宣政殿

誥命案

已上
司饗院

賻物案

賜祭
廳

進排其他

賻物入盛彩輿黃袱函及各處排案等諸具段近接都監

賜祭廳已爲磨鍊措備前項禮文并以相考一一整齊使無疎漏之弊爲白乎

矣

賜諡日

誥命龍亭

賜祭日

祭文龍亭及香亭等令兵曹儀仗庫預爲整齊亦事日磨鍊已爲

啟下爲白有在果

賜賻儀內有

勅書則置於龍亭是如爲白有昆同龍亭并以整齊待令爲白齊

一

賜賻曰敦化門內帳 殿及

天使小次

賜諡日

宣政殿大門外帳 殿及

天使小次等乙良令各該司預爲排設都監檢舉

一

嘉靖丙午年

賜祭

天使膳錄內

天使入京時

賻物入盛彩亭黃楸函安置於彩輿等乙賚去于弘濟院是如爲白有旂去丙

午年朱梁

天使時

天使入京曰

賜物彩輿黃袱函并以弘濟院待令聽分付亦爲自有置節段上項

賻物入盛諸具都監已爲定奪措備自當依此舉行其中黃旗朱杖執持差備

忠贊衛預差並八名具烏紗帽黑角帶黑團領兵曹仗儀庫次知結束前
期待令聽分付舉行事亦有前事目爲自有昆今次乙良置依右例整齊
待令毋致臨時顛倒未及之患爲白乎矣

賜物入盛彩亭等諸具弘濟院賚去而不用則當用於幕華館迎

命處是白昆預爲探問急急移運待令

一

天使入京時幕華館弘濟院黃帳排設

勅書案

誥命案

祭文案

已上司
院

黃床巾入量

濟用
監

架子別工作擔杖條所入量

繕之
監

擔陪諸事

兵曹次知前期舉行都監一一檢舉

一南別宮

闕庭

仁政殿

闕庭排設諸事掖庭署專掌舉行

魂殿是白在

宣政殿排設諸事乙良

永慕殿參奉眼同司鑰預為舉行為白乎矣同

殿良中

誥命案

勅書案及黃床巾入量進排等事

永慕殿參奉掖庭署司饗院
案門繕工監濟用監繕工監

一各處凡大小幕次排設諸事典設司等各該色官員躬親前期舉行地
排乙良置亦依前例戶曹次如分定排設爲白乎矣司鑰禮貌官專掌
指揮施行

一在前

天使時若有

賜物大攸司官員盛於函入

內爲白置今次

賻物所盛函段都監已爲措備自當進排是白在果朱漆擔杖條所乙良令各
該司入量預備都監良中間見登時進排

一

賻物段尙衣院官員次知入

內爲白乎矣

賻物執事官乙良司譯院官員多定自弘濟院慕華館至南別宮

昌德宮終始察任

一

賜賻日若有

勅書則受

勅即時掖庭署撤

闕庭承文院官取

勅書盛函入

內爲乎事是白在果受

勅處所非時

御乙仍於禮畢後盛龍亭詣時

御所

還宮

御覽教後還出則承文院藏置爲白乎矣同龍亭及前導儀仗諸事令兵曹儀

仗庫整齊待令前導鼓吹令掌樂院陳而不作

一

嘉靖丙午年膳錄內

詔勅分迎為白在如中慕華館帳殿

勅書乙良迎接都監郎廳

軍色郎廳刑曹正郎丁好寬今番無詔勅否

謚誥祭賻物等大平館

闕庭卓子上奉置及樓上移置時

賜祭廳迎接都監郎廳

軍色兵曹正郎趙誠立禮曹正郎鄭造賜祭廳一同檢舉

詔書奉詣大平館為白去等令迎接都監廳

天使之令奉安時都監郎廳

軍色郎廳刑曹正郎丁好寬無詔否

舉行亦為白有置今次

賜祭

天使時

詔勅有無時未的知為白良置丙午年膳錄如此不可不預為磨鍊待令並依

上項例施行宜當會迎接都監

賜祭廳察而舉行為白乎旆

詔書龍亭及弘濟院慕華館南別宮

仁政殿等各處案床黃楸一應諸具並以措備待令

兵曹儀仗庫司饗院濟用監掖庭署

一前後事日內一應排設雜物及龍亭香亭床卓諸具尋常除良各該色

官躬親檢督措備為白有可各項習儀定日聞見一一進排為白乎矣

緩慢不及官吏乙良這這推考重治

一

賜賻

賜諡

賜祭各日自

上出宮教是時宗親及文武百官以白帽白衣布裹角帶

闕門外分東西序立

大駕將至鞠躬過則平身以此

侍衛至

昌德宮行禮時並用衰爲白乎旅各日文武百官則分司詣南別宮以朝服
賻物

謚誥祭文龍亭前導至

昌德宮門外易服衰服入班行禮

還宮教是時如初

侍衛爲白乎矣文武百官分司乙良令吏兵曹檢舉

一丙午年朱梁

天使時曹事目內各司減省官員甚多迎

詔時班行必致稀疎觀瞻埋沒勿論軍職無祿官並參亦爲白有置今次

天使時一應百官進參處乙良置依佑例施行

一

賜賻

賜諡

賜祭等各日

昌德宮行禮時百官以

大駕出入東俠門入班未安爲白毘依舊例由西俠門出入事爲等如

啟下爲有置有良爾 各色分付

四月初二日

一都監

啟曰宴享廳郎廳一員例兼禮曹郎官爲之故曾以禮曹正郎蘇光震

啟下矣今者蘇光震移授司書其代則以禮曹正郎崔應虛差下而雜物色郎

廳閔有慶外任代以蘇光震移差何如

傳曰允

同日

一都監

啟曰因吏曹

啟辭諸都監官員並爲差

祭事

啟下矣諸都監中本都監則

詔使方臨各以所掌分差監董少無餘暇而郎廳及各該掌監役官等多數差祭時急之事勢將停廢極爲未穩差

祭官員並爲改差而今後一切勿爲遷動事並申飭何如

傳曰允 各色分付

同日

一禮曹呈內曹

啟辭今此

賜祭

天使行期以遠接使狀

啟推之前月十八日若過關則今月晦前似當入京迎

誥勅吉日不可不廣加推擇是乎等用良令觀象監推擇則今四月二十五日

卯時二十八日卯時來五月初六日巳時初九日卯時十一日卯時十五

日卯時爲等如牒呈爲白有置某日中

天使前勘定先爲馳

啟後正日及三度習儀依例舉行事是白昆右良辭緣遠接使處急急

下諭事入

啟允下 各色分付

四月初三日

一都監爲急急馳報事

賜祭頭目等在前始叱不分晝夜奔馳入城諸事未及措置生事可慮是昆節

乙良退伊探問入城日期火迫騎上等馳報事 京畿監司處移文

四月初六日

一禮曹呈內知音事觀象監牒呈內

賜祭

天使時習儀初度今四月十一日二度十九日

賜賻習儀初度今四月十四日二度二十一日

賜諡

賜祭習儀初度今四月十七日二度二十三日爲等如推擇爲遣各項三度習

儀乙良臨時追乎磨鍊牒呈據曹

啟目粘連牒呈是白有亦向前

賜祭

天使時各項習儀依牒呈施行迎

誥勅習儀各日早朝百官以烏紗帽黑團領角帶自慕華館至南別宮行禮

賜賻習儀自南別宮至

仁政殿

賜諡

賜祭習儀自南別宮至

宣政殿爲等如各日早朝百官分司一半以白帽白衣布裏角帶先詣

昌德宮一半詣南別宮烏紗帽黑團領角帶前導至

昌德宮門外易服白帽白衣布裏角帶爲禮爲白乎矣三度習儀乙良待正

曰定奪馳

啟後追乎磨鍊舉行何如

傳曰允各色分付

四月初六日

備忘記

天使今明日越江云政院另加祭爲凡干接待諸事習儀等禮整飭以待

各色分付

四月初七日

綸扉續奏草二部

明分省人物考二部

明名臣言行錄四部

雙槐歲抄二部

續秘笈二部

史外二部

太白劍二部

一木堂集七部

地圖綜要十二部

狀元策二十七部

嶧桐集一部

范璽卿集一部

文太青集一部

讀史綱四部

翁山文鈔一部

明紀全載五十一部

陳幾亭集十一部

嶺南三家詩九部

道援堂集六部

寰宇分合志一部

明代野史一部

羣書備考九十七部

啜墨亭集一部

秋士偶編一部

蕭然吟二部

存笥稿三部

明季遺聞四十六部

幸存錄十八部

女直考三部

燕市詩一部

明世法錄八部

四六新書五十二部

新書廣集三十四部

晚村續集五部

大義覺迷錄十部

廣東新語四十九部

經濟錄一部

歷朝捷錄五十八部

鴻書五部

通紀會纂六十四部

明鑑易知錄十五部

捷錄法原十四部

捷錄真本一部

留青集九十部

八編類纂七部

尺牘新抄十九部

四六初徵十六部

螢芝集五部

古今全史二十二部

天外談八部

明紀略鼎鑿一部

感舊集七十部

天下名家詩觀七部

廣治平略二十八部

東林列傳六十七部

明人詩鈔七十八部

遼事實錄六部

議撮一部

楊忠烈文集七部

閱新閣疏草二部

廣東文集六部

孫高陽集一部

寶壘栖詩一部

壬申文選三部

鴻寶應本三部

山曉閣明文選十五部

山曉閣續明文選三部

江左三家詩鈔十部

綠雪樓集一部

留垣疏草七部

兵鏡一部

晦村初集二部

督師紀略一部

文鏡巖詩集一部

明詩別裁六十五部

篋衍集六十八部

行厨集二部

梅村集十二部

以上各書二百二十九種共三千十二部係節次奏進今重複查出
又沈德潛選輯國朝詩別裁集三十部又附繳江西逆犯王錫侯字
貫一部國朝詩觀二集一部唐詩試帖詳解十九部書法精言一部
同起出螢芝集不全板片一副三百二十塊明紀全載板片一副二
百三十五塊天慵子集板片一副一百八十八塊一併咨解軍機處
投收銷燬合併陳明

中華民國二十年七月出版

文獻叢編第十三輯

編輯所 故宮博物院

發行所 故宮博物院出版物發售室
電話東局一六〇九

印刷所 和平門內後細瓦廠
和濟印刷局



費	郵	價目表	
		五	每月一冊
每期一分	本市	角	半年六冊
每期一角	外埠	二元七角	全年十二冊
每期二角五分	外國	五元二角	

本市 上海 天津各大書店均有代售

故宮博物院文獻館出版物廣告

掌故叢編（一至十輯）每輯五角

三藩史料 定價壹元

清代文字獄檔

第一二三輯現已出版
每輯定價五角

史料旬刊

每期四角

名教罪人 一冊五角

讀書堂西征隨筆 一冊（清汪景祺著）

粉紙每冊六角
毛邊紙每冊五角

鈐拓故宮寶譜 一冊叁元

影印交泰殿寶譜 一冊壹元

影印籌辦夷務始末

道光朝全書四十冊售價二十四元
咸豐朝全書四十冊售價二十四元
同治朝全書五十冊售價三十元

清雍正硃批諭旨不錄奏摺總目 一冊壹角

清軍機處檔案目錄 一冊叁角